



DECRETO ALCALDÍA-PRESIDENCIA

Expediente: 2024/E001/000005

Visto que é competencia dos municipios o mantemento das praias nas debidas condicións de limpeza, hixiene e salubridade, así coma a vixilancia do cumprimento das normas e instrucións ditadas pola Administración do Estado sobre salvamento e seguridade das vidas humanas.

Considerando que o Concello non conta con persoal propio para desenvolver as tarefas de socorrismo para o servizo de salvamento e socorrismo acuático das praias de Valdoviño, resulta necesario a contratación de persoal cualificado para tal fin coas seguintes funcións: preventiva, prever o afogamento e outras situacións de risco de accidentes nas praias, asegurar o rescate de bañistas en perigo de afogamento, garantir a asistencia sanitaria aos usuarios das praias, e a evacuación o centro sanitario en caso de ser necesario e determinar os medios e recursos par reduciloo risco.

Visto a extensión costeira de 25 km posúe un gran número de praias, incluídas na figura de protección medioambiental da Rede Natura 2000. Este escenario natural, é ademais un importante polo de atracción turística, con gran afluencia de xente que repercute na actividade económica de Valdoviño.

Visto o informe de secretaria de data 15 de maio de 2024 e informe de intervención de data 03.06.2024.

Neste senso, conforme os antecedentes de feito reseñados e o enunciado no artigo 21. g) da Lei 7/1985, do 2 de abril, Reguladora das Bases do Réxime Local na súa redacción dada pola Lei 11/1999, do 21 de abril e a Lei 57/2003, do 16 de decembro, de medidas para a modernización do goberno local, esta Alcaldía.

RESOLVE

PRIMEIRO.- Aprobar a convocatoria para a selección no exercicio 2024 de 33 socorristas (un deles coordinador) ao abeiro da subvención solicitada pola Xunta de Galicia para salvamento e socorrismo. Contrato que se realizará por circunstancias da produción “por situacións ocasionais, previsibles e cunha duración reducida e limitada de 62, 63 e 70 días naturais”, conforme o artigo 15.2 do Real decreto lexislativo 2/2015, do 23 de outubro, polo que se aproba o texto refundido da Lei do Estatuto dos traballadores.

Os aspirantes contrataranse en rigorosa orde de puntuación.

SEGUNDO.- Aprobar as Bases de Selección anexas ao presente acordo.

TERCEIRO.- Publicar o anuncio no Taboleiro de Anuncios do Concello.

“BASES PARA A CONTRATACIÓN DE 33 SOCORRISTAS (UN DELES COORDINADOR) PARA O SERVIZO DE SALVAMENTO E SOCORRISMO ACUÁTICO DAS PRAIAS DO CONCELLO DE VALDOVIÑO

1º- Obxecto da convocatoria: .

O obxecto desta convocatoria é a contratación laboral temporal, de 33 socorristas (un deles coordinador) para formar parte do Servizo de Vixilancia e Socorrismo acuático das praias do Concello de Valdoviño, durante o período de tempada estival, para cumprir as obrigas municipais en materia de vixilancia, salvamento e socorrismo acuático, os períodos irán conforme a seguinte táboa.

Nº Socorristas	Período
33 Socorristas (Un deles coordinador)	1 de Xullo ao 31 de Agosto
Socorristas da Praia de Pantin	1 de Xullo ao 1 de Setembro
Socorristas da Praia da Frouxeira	1 de Xullo ao 8 de Setembro

2º- Tipo e duración do contrato:

Os contratos serán de traballo temporal por circunstancias da produción “por situacións ocasionais, previsibles e cunha duración reducida e limitada de 62, 63 e 70 días naturais”, conforme o artigo 15.2 do Real decreto legislativo 2/2015, do 23 de outubro, polo que se aproba o texto refundido da Lei do Estatuto dos traballadores. A xornada laboral será a tempo completo e a quendas; o horario será establecido polo concello.

O presente contrato quedará **CONDICIONADO** en todo caso a concesión da subvención da Xunta de Galicia.

3º.-Retribucións

As retribucións económicas do socorrista será de 1500 euros/brutos mensual (incluídos tódolos conceptos salariais e a prorrata das pagas extraordinarias).

As retribucións económicas do coordinador será de 1700 euros/brutos mensual (incluídos tódolos conceptos salariais e a prorrata das pagas extraordinarias).

4º.-Requisitos dos aspirantes

Será **condición imprescindible** para a contratación que os/as aspirantes sexan persoas desempregadas e que figuren inscritos no Servizo Público de Emprego de Galicia como demandantes non ocupados e estar dispoñibles para o emprego.

Ademais, deberán reunir os seguintes requisitos, referidos todos e cada un a data en que finalice o prazo de presentación de solicitudes e mantelos ata o momento da formalización dos contratos:

a) **Nacionalidade.**- Ter a nacionalidade española, ou ser nacional de outros Estados, conforme aos artigos 56 e 57 do Texto Refundido do Estatuto Básico do Empregado Público.

b) **Idade.**-Ter cumpridos os 16 anos de idade e non exceder, no seu caso da idade máxima de xubilación forzosa.

c) **Capacidade Funcional.**- Posuír as capacidades e aptitudes funcionais e físicas, necesarias para o desempeño das tarefas obxecto do presente contrato, extremos que se acreditarán mediante a presentación de informe ou certificado médico, que ademais deberá incluír pronunciamento específico de estar en condicións de realizar as probas físicas.

d) **Habilitación.**- Non ter sido despedido mediante expediente disciplinario, de ningunha Administración pública ou dos órganos constitucionais ou estatutarios das Comunidades Autónomas, nin atoparse en inhabilitación absoluta ou especial para o desempeño de empregos ou cargos públicos por resolución xudicial, cando se trate de acceder á mesma categoría profesional á cal se pertencía. Idéntico requisito seralles esixido aos nacionais doutros Estados, no seu caso.

e) **Compatibilidade.**- Non estar incurso en causas de incompatibilidades de conformidade có disposto na Lei 53/1984, del 26 de decembre, de incompatibilidades do persoal ao servizo das administracións públicas.

f) **Titulación.**-Estar en posesión do título de Graduado Escolar, Educación Secundaria Obrigatoria ou equivalente.

5ª.- Documentación.

Para a aceptación da proposta de nomeamento e formalización do contrato, os aspirantes deberán presentar previamente a seguinte documentación:

- Fotocopia do DNI.
- Fotocopia da titulación mínima requirida.
- Informe médico acreditativo da capacidade funcional para o desenvolvemento das tarefas do posto.
- Inscripción no Rexistro Profesional de Socorristas Acuáticos de Galicia como socorristas en espazos acuáticos naturais.

A acreditación documental poderá facerse mediante fotocopia, sen ser precisa a copia cotexada; se presumirá documentación auténtica. No caso de detectarse falsidade documental, será motivo de exclusión.

6ª.- Selección

O Concello de Valdoviño solicitará os traballadores que se necesiten mediante a presentación de oferta na oficina do Servizo Galego de Emprego, facendo referencia aos

requisitos e ás características previstas nestas bases para o adecuado desempeño das funcións. Unha vez recibida a oferta a oficina do Servizo Galego de Emprego realizará unha sondaxe de demandantes atendendo á maior adecuación ao posto de traballo ofertado e remitirá a listaxe de persoas candidatas ao Concello a fin de que se realice o correspondente proceso selectivo.

Non se seleccionarán máis candidatos que postos de traballo convocados, aínda que co resto de solicitantes non seleccionados poderase elaborar unha relación de reservas por se fose necesario.

7ª.-Proceso selectivo

A selección realizarase de conformidade có previsto nas presentes bases polo sistema de oposición libre que consistirá na realización dunha proba física de carácter obrigatorio e eliminatorio.

Proba Física.(Máximo 10 puntos)

O exercicio consistirá nunha proba práctica relacionada co posto a desenrolar, debendo acadar para a superación da proba un mínimo de 5 puntos.

8º.- Tribunal Cualificador

O tribunal cualificador será designado pola Alcaldía -presidencia (en virtude do artigo 21.1.g) de 7/85 de 2 de Abril reguladora das Bases do Réxime Local), e en base ao establecido polo RD lexislativo 5/2015, Estatuto Básico do Empregado Público.

O tribunal non poderá constituírse, nin actuar sen a presenza, a lo menos, de tres de seus membros, titulares ou suplentes, debendo estar presentes en todo caso o presidente e o secretario ou persoas en quen deleguen. De tódalas reunións que faga o tribunal o/a secretario/a redactará acta. Se poderá nomear persoal para apoio ou asesoramento no proceso selectivo.

Os membros do tribunal absteranse de intervir e o comunicarán á autoridade convocante cando concorran algunhas das circunstancias prevista no artigo 23 de Lei 39/2015 de 1 de outubro de procedemento administrativo común. Os aspirantes poderán recusar aos membros do tribunal cando concorran aquelas circunstancias.

O tribunal resolverá tódalas dúbidas que xurdan en aplicación das presentes normas así como nos casos non previstos polas mesmas.

9º.- Proposta de contratación

Os aspirantes en rigorosa orde de puntuación ofreceráselle a opción de ser o coordinador

As persoas propostas para a contratación deberán presentar os documentos que se relacionan na base quinta e para elo dispoñen dun prazo máximo de 2 días hábiles.

Se dentro do prazo indicado, salvo casos de forza maior, algunha das persoas aspirantes propostas non presentara a documentación ou non acreditara reunir os requisitos esixidos, non se poderá proceder a súa contratación, quedando así anuladas todas as súas actuacións, sen prexuízo das responsabilidades en que puidera ter incorrido por falsidade na solicitude ou na documentación presentada para tomar parte no proceso selectivo.

10º.-Formalización dos contratos

A Alcaldía-Presidencia, resolverá mediante decreto o expediente de selección. O contrato se formalizará cos aspirantes seleccionados, que deberán presentar a documentación necesaria.

- Fotocopia da tarxeta da seguridade social
- Certificado do número de conta bancaria

11º.-Dereito supletorio

No non previsto nestas bases se acudirá ao disposto na lexislación laboral vixente que resulte de aplicación e, especialmente, no disposto no Real Decreto Lexislativo 2/2015, de 23 de outubro, polo que se aproba o texto refundido da Lei do Estatuto dos Traballadores, no disposto no Real Decreto 2720/1998, do 18 de decembro polo que se desenvolve o artigo 15 do Estatuto dos Traballadores en materia de contratos de duración determinada; e no Real Decreto Lei 8/1997, del 16 de maio de Medidas urxentes para a Mellora do Mercado de Traballo e no Fomento da Contratación Indefinida, e demais lexislación en materia laboral. Igualmente ao regulado no Estatuto Básico do Empregado Público Real Decreto Lexislativo 2/2015 de 30 de outubro e Lei de Emprego Público de Galicia.

12º.-Norma final

A presente convocatoria, as súas bases e tódolos actos administrativos que da mesma se deriven e das actuacións do tribunal, poderán ser impugnados polos interesados no caso e na forma dispostos na Lei 39/2015, do 2 de outubro, de procedemento administrativo común.

13º.- Protección de datos de carácter persoal

De acordo co disposto na Lei Orgánica 3/2018, de 5 de decembro, de Protección de Datos Persoais e garantía dos dereitos dixitais, os datos de carácter persoal que se faciliten para a participación no presente proceso de selección de persoal, incorporarase nun ou varios ficheiros, do/s que é responsable o Concello de Valdoviño..

Mediante a participación neste proceso, as persoas aspirantes manifiestan o seu consentimento para o tratamento dos seus datos persoais coa finalidade antes indicada que comprende o rexistro de solicitudes de aspirantes, a cualificación de probas e avaliación das persoas candidatas, así como a provisión de postos e confección de listas de substitución.

Os datos serán conservados durante o prazo estritamente necesario para cumprir coa



ANEXO I

SOLICITUDE DE INCLUSIÓN NO PROCESO DE SELECCIÓN PARA A CONTRATACIÓN DE 33 SOCORRISTAS (UN DELES COORDINADOR) PARA O SERVIZO DE SALVAMENTO E SOCORRISMO ACUÁTICO DAS PRAIAS DO CONCELLO DE VALDOVIÑO A TRAVÉS DO INEM

D./ Dona _____ con D.N.I. n.º _____ e enderezo a efectos de notificación en _____ da localidade _____, Provincia de _____, C.P.; _____ e con número de teléfono de contacto _____ .email _____

En virtude da convocatoria emitida polo Concello de Valdoviño para a provisión en réxime laboral temporal de 33 socorristas (un deles coordinador) para o servizo de salvamento e socorrismo acuático das praias do Concello de Valdoviño.

MANIFESTA que reúne todas e cada unha das condicións de acceso ao proceso de selección e polo tanto **SOLICITA** se teña por presentado este escrito en tempo e forma, e se me declare admitido/a para formas parte en calidade de aspirante no proceso **33 SOCORRISTAS**.

ACHEGA a seguinte documentación

- | | |
|--------------------------|---|
| <input type="checkbox"/> | Copia do Documento Nacional de Identidade ou Pasaporte. |
| <input type="checkbox"/> | Copia da titulación requirida. |
| <input type="checkbox"/> | Informe médico |
| <input type="checkbox"/> | Inscripción no Rexistral Profesional de Socorristas Acuáticos de Galicia. |

/ASINADO ELECTRONICAMENTE POLO SR ALCALDE ALBERTO GONZALEZ FERNÁNDEZ/